

ЎЗБЕКИСТОН РЕСПУБЛИКАСИ
ПРЕЗИДЕНТИНИНГ
ҚАРОРИ



ПОСТАНОВЛЕНИЕ
ПРЕЗИДЕНТА
РЕСПУБЛИКИ УЗБЕКИСТАН

2018 йил “ 27 ” ноябрь №ПҚ-4035 “ ” 20 г.

**Автомобиль йўллари қуриш ва улардан фойдаланиш соҳасида
ишларни ташкил этишнинг илғор хорижий услубларини жорий этиш
чора-тадбирлари тўғрисида**

Мамлакатнинг йўл-транспорт инфратузилмасини жадал ривожлантириш, илғор технологиялар ва энг яхши хорижий тажрибаларни жорий этиш асосида лойиҳа ва йўл қуриш ишлари сифатини янада ошириш, шунингдек, 2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегияси билан узвий боғлиқликда йўл қуриш соҳасида давлат бошқаруви тизимини комплекс такомиллаштириш мақсадида:

1. Қуйидагилар Ўзбекистон Республикасида автомобиль йўллари қуриш ва улардан фойдаланиш соҳасидаги устувор вазифалар этиб белгилансин:

биринчи – автомобиль йўллари лойиҳалаш ва қуриш соҳасида умумэтироф этилган халқаро стандартлар ва энг яхши тажрибаларни, автомобиль йўллари сифатини ва хизмат кўрсатиш муддатларини оширишни таъминлайдиган йўл қурилишида қўлланиладиган замонавий инновацион технологиялар ва материалларни жорий этиш;

иккинчи – йўл қурилишида молиявий ресурслардан фойдаланиш самарадорлигини ошириш, халқаро ва давлат аҳамиятига эга бўлган автомобиль йўллари қуриш ва қайта қуриш бўйича лойиҳаларни амалга оширишда халқаро молия ташкилотлари ва хорижий банк институтларининг имтиёзли кредит линияларини жалб этиш ҳажмларини кенгайтириш, шунингдек, умумий фойдаланишдаги йўлларни қуришда хусусий инвестицияларни кенг рағбатлантириш;

учинчи – биринчи навбатда, мамлакатнинг ҳудудларига етакчи хорижий компаниялар ва юқори малакали мутахассислар иштирокида йирик пудрат ташкилотларини жалб этиш ҳисобига, йўл хўжалиги соҳасидаги илғор хорижий тажриба ва амалиётни фаол ўзлаштириш ва самарали қўллаш;

тўртинчи – йўллардан фойдаланиш корхоналарини замонавий йўл қуриш техникалари ва таъмирлаш ускуналари билан, жумладан лизинг асосида фаол

жиҳозлаш ва улар ишини ташкил этишнинг самарали технологияларини жорий этиш ҳисобига автомобиль йўлларида фойдаланиш ишлари сифатини ошириш;

бешинчи – мамлакат ҳудудларида етакчи хорижий компаниялар иштирокида йўл қурилиши учун замонавий қурилиш материалларини ва махсус йўл-қурилиш техникаларини, келгусида уларга хизмат кўрсатувчи сервис марказларини очган ҳолда, ишлаб чиқариш бўйича қўшма корхоналарни ташкил этиш;

олтинчи – йўл қурилиши учун кадрларни тайёрлаш, қайта тайёрлаш ва уларнинг малакасини ошириш тизимини, жумладан соҳага оид хорижий ўқув муассасалари ва марказлари билан ҳамкорликда тубдан такомиллаштириш, шунингдек, етакчи хорижий йўл-қурилиш компанияларида маҳаллий мутахассислар учун амалиёт ўташ дастурларини ташкил этиш.

2. Ўзбекистон Республикаси Автомобиль йўллари давлат қўмитаси, Инвестициялар бўйича давлат қўмитаси ва Иқтисодиёт вазирлигининг қуйидагиларга йўналтирилган Ўзбекистон Республикасида узоқ муддатли истиқболда йўл қурилишини ривожлантириш Стратегиясини (кейинги ўринларда – Ривожлантириш стратегияси) ишлаб чиқишда иштирок этиш учун етакчи хорижий консалтинг компанияларини жалб этиш тўғрисидаги таклифи маъқуллансин:

автомобиль йўллари тоифаларига кўра уларни лойиҳалаш, қуриш ва қайта қуриш, шунингдек, таъмирлашда автомобиль йўллари сифатини ва хизмат кўрсатиш муддатларини оширишни таъминлайдиган замонавий стандартлар ва технологияларни жорий этиш;

республика ва ҳудудларнинг истиқболли ижтимоий-иқтисодий ривожлантириш прогнозларини, шунингдек, мамлакатнинг транзит салоҳиятидан имкон қадар самарали фойдаланишни ҳисобга олган ҳолда 2020-2040 йилларда умумий фойдаланишдаги автомобиль йўллари қуриш ва реконструкция қилиш дастурини ишлаб чиқиш;

автомобиль йўллари, жумладан давлат-хусусий шериклик шартлари асосида лойиҳалаш, қуриш, реконструкция қилиш ва таъмирлаш ишларини, молиялаштириш соҳасидаги сиёсатни тубдан такомиллаштириш;

автомобиль йўллари қуриш ва улардан фойдаланишга хусусий сектор ресурсларини жалб этишни рағбатлантириш ва йўл қурилиши соҳасида давлат бошқаруви механизмларини комплекс такомиллаштириш бўйича тавсиялар ишлаб чиқиш.

3. Ўзбекистон Республикаси Инвестициялар бўйича давлат қўмитаси Автомобиль йўллари давлат қўмитаси, Ташқи ишлар вазирлиги, Молия вазирлиги ва Иқтисодиёт вазирлиги билан биргаликда 2018 йилнинг 30 декабригача бўлган муддатда етакчи хорижий консалтинг компаниялар ва агентликлар, энг аввало, Германиянинг мос йўналишдаги компаниялари амалий тажрибаларини ўрганиш асосида, молиялаштириш манбаларини аниқлаган ҳолда, Ривожлантириш стратегиясини ишлаб чиқиш учун хорижий консультантни жалб этсин.

4. Ўзбекистон Республикаси Вазирлар Маҳкамаси:

а) Ўзбекистон Республикаси Инвестициялар бўйича давлат қўмитаси, Ташқи ишлар вазирлиги билан биргаликда уч кун муддатда қуйидагилар билан боғлиқ ташкилий-амалий масалаларни хорижий ҳамкорлар билан ишлаб чиқиш учун ваколатли вазирликлар ва идораларнинг малакали мутахассисларидан иборат ишчи гуруҳ ташкил этсин:

республика ҳудудида автомобиль йўллари қуриш ва улардан фойдаланишда қўлланиладиган замонавий қурилиш материалларини ишлаб чиқариш бўйича қўшма корхоналарни ташкил этиш;

автомобиль йўллари ва сунъий иншоотларни лойиҳалаш соҳасида етакчи хорижий инжиниринг компаниялар (жумладан, профессионал бизнес доираларида халқаро даражада обрўга эга немис компаниялари – “OBERMEYER Planen+Beraten GmbH”, “Lahmeyer International GmbH”, “Lomb Ingenieurgesellschaft mbH”, “INROS LACKNER SE” ва бошқалар) билан ҳамкорлик ўрнатиш;

республика ҳудудларида замонавий қурилиш техникалари ва таъмирлаш ускуналари билан жиҳозланган йўл қуриш ташкилотларини ташкил этиш (Европанинг энг йирик компанияларидан бири бўлган ва йўл хўжалиги соҳасига ихтисослашган “GP Günter Papenburg AG” компаниясини ҳамкорликка жалб этиш имкониятини кўзда тутган ҳолда);

республикада автомобиль йўллари бўйларини кўкаламзорлаштириш ва ободонлаштириш, замонавий ландшафт дизайни элементларини ўзлаштириш, йўлбўйи инфратузилма объектларини ривожлантириш соҳасидаги илғор хорижий тажрибани жорий этиш;

автомобиль йўллари қуриш ва реконструкция қилиш, шунингдек, йўллардан фойдаланиш корхоналарини замонавий техникалар билан таъминлаш бўйича лойиҳаларни амалга ошириш учун хорижий кредит ташкилотларининг молиявий ресурсларини жалб этиш;

б) Ўзбекистон Республикаси Ташқи ишлар вазирлиги, Қурилиш вазирлиги, Автомобиль йўллари давлат қўмитаси билан биргаликда 2019 йилда Германия Федератив Республикасида йўл қурилиши бўйича ўтказиладиган халқаро кўргазмалар, ярмаркалар, конференциялар ва симпозиумларда ваколатли вазирликлар ва идоралар вакилларининг иштирок этиши бўйича таклифларни бир ой муддатда киритсин.

5. Ўзбекистон Республикаси Автомобиль йўллари давлат қўмитаси Инвестициялар бўйича давлат қўмитаси, Қурилиш вазирлиги, Ташқи ишлар вазирлиги билан биргаликда 2019 йилнинг 10 февралигача бўлган муддатда қуйидаги таклифларни Ўзбекистон Республикаси Вазирлар Маҳкамасига киритсин:

Тошкент автомобиль йўллари лойиҳалаш, қуриш ва эксплуатацияси институти ҳузурида ихтисослашган хорижий ўқув муассасалари ва компанияларнинг ҳамкор сифатидаги иштирокида Автомобиль йўллари қуриш ва таъмирлаш соҳаси мутахассисларининг малакасини ошириш ва қайта тайёрлаш марказини ташкил этиш;

йўл хўжалигидаги маҳаллий мутахассисларнинг хорижий ўқув муассасаларида малака ошириш ва тайёрлов ўқув курсларини, шунингдек, Германия Федератив Республикасининг етакчи йўл-қурилиш компанияларида амалиёт ўташларида кўмаклашиш;

автомобиль йўлларини қуриш ва фойдаланишда илғор услуб ва технологияларни жалб этишга кўмаклашиш ва тажриба алмашиш соҳасида Германиянинг транспорт ва инфраструктура федерал вазирлиги билан ҳамкорликни ўрнатиш.

6. Ўзбекистон Республикаси Молия вазирлиги Автомобиль йўллари давлат қўмитаси билан биргаликда уч ой муддатда умумий фойдаланишдаги автомобиль йўлларини ва ҳудудий автомобиль йўлларини лойиҳалаш, қуриш, реконструкция қилиш ва мукамал таъмирлаш соҳасида давлат-хусусий шериклик тамойилларини жорий этиш бўйича таклифлар киритсин.

7. Ўзбекистон Республикаси Қурилиш вазирлиги, Молия вазирлиги ва Автомобиль йўллари давлат қўмитасининг пудрат ишларини ҳажм кўрсаткичларига ўтказиш йўли орқали йўл хўжалигида лойиҳа-смета ҳужжатларини ишлаб чиқиш, қурилиш-монтаж ишларини амалга ошириш, шунингдек, уларни қабул қилиб олишда ҳажм ва сифат кўрсаткичларини ҳисобга олишни (“ҳажм услуби”) кўзда тутадиган тартибни 2019 йилдан бошлаб босқичма-босқич жорий этиш тўғрисидаги таклифларига розилик берилсин.

8. Ўзбекистон Республикаси Қурилиш вазирлиги Автомобиль йўллари давлат қўмитаси, Ўзбекистон Республикаси Вазирлар Маҳкамаси ҳузуридаги Йўл-қурилиш ишлари сифатини назорат қилиш давлат инспекцияси ва бошқа манфаатдор вазирликлар ва идоралар билан биргаликда икки ой муддатда қуйидагиларни Вазирлар Маҳкамасига киритсин:

лойиҳа-смета ҳужжатларини ишлаб чиқиш, йўл хўжалиги соҳасида қурилиш-монтаж ишларини амалга ошириш, шунингдек, уларни қабул қилиб олишда ҳажм ва сифат кўрсаткичларини ҳисобга олиш тартиби тўғрисида Низом;

автомобиль йўлларини лойиҳалаш, қуриш, реконструкция қилиш ва таъмирлаш ҳамда йўл хўжалигида қурилиш материаллари ишлатилишининг миллий меъёрлари ва стандартларини халқаро стандартлар талабларига мослаштириш бўйича таклифлар.

9. Автомобиль йўллари давлат қўмитаси “Ўзстандарт” агентлиги, Автомобиль йўллари илмий-тадқиқот институти, Тошкент автомобиль йўлларини лойиҳалаш, қуриш ва эксплуатацияси институти билан биргаликда уч ой муддатда йўл хўжалигида келгусида ишлаб чиқариш ва қўллаш учун замонавий қурилиш материаллари ва қўшимчалар (полимер-чақиқтош-мастикли асфальтбетон, синтетик толалар аралашмаси, микросюрфейсинг, бошқа модификацияланган материаллар) қўллаган ҳолда асфальтбетон қопламаларининг юқори технологияли турларини жорий этиш бўйича таклифларни ишлаб чиқсин.

10. 2018-2019 йилларда йўл қурилиши соҳасига илғор хорижий услубларни жорий этиш бўйича “Йўл харитаси” (кейинги ўринларда – Йўл харитаси) иловага мувофиқ тасдиқлансин.

Ўзбекистон Республикаси Вазирлар Маҳкамаси Йўл харитасида кўзда тутилган чора-тадбирларнинг масъул вазирликлар ва идоралар томонидан ўз вақтида бажарилиши бўйича ишларни мувофиқлаштиришни таъминласин.

11. Мазкур қарорнинг ижросини назорат қилиш Ўзбекистон Республикаси Президенти Администрацияси раҳбари З.Ш. Низомиддинов ва Ўзбекистон Республикаси Бош вазирининг биринчи ўринбосари А.Ж. Раматов зиммасига юклансин.

**Ўзбекистон Республикаси
Президенти**



Ш. Мирзиёев

Тошкент шаҳри

**2018-2019 йилларда йўл қурилиши соҳасига илғор хорижий услубларни жорий этиш бўйича
“ЙЎЛ ХАРИТАСИ”**

№	Тадбирлар	Амалга ошириш механизми	Бажариш муддатлари	Масъул ижрочилар
I. Автомобиль йўллари лойиҳалаш ва қуриш соҳасида умумэтироф этилган халқаро стандартларни ҳамда йўл қурилишида қўлланиладиган замонавий инновацион технологияларни жорий этиш				
1	<p>Қуйидагиларни ташкил этиш: потенциал ҳамкорликни йўлга қўйиш мақсадида чет элнинг энг яхши консалтинг компаниялари хусусан, ўз йўлларининг сифати ва йўл инфраструктурасини сақлаш технологиялари самарадорлиги бўйича бутун дунёга машҳур давлат – Германиянинг ихтисослашган илғор компаниялари рейтингини ўрганиш; чет элнинг илғор консалтинг компанияларини жалб қилган ҳолда Ўзбекистон Республикасининг узоқ муддатга мўлжалланган истиқболли йўл қурилишини ривожлантириш стратегиясини ишлаб чиқиш.</p>	<p>Йўл қурилиши соҳасида иш тажрибасига эга бўлган етакчи чет эл консалтинг компаниялари билан музокаралар ўтказиш. Ривожлантириш стратегиясини ишлаб чиқиш бўйича молиялаштириш манбаларини аниқлаш. Ишларни яқунлашнинг аниқ муддатлари ва ишлаб чиқиладиган ҳужжатлар рўйхатини кўрсатган ҳолда консалтинг хизматларини кўрсатишга шартномалар тузиш. Ривожлантириш стратегиясини ишлаб чиқиш бўйича консалтинг компаниялар ишларини ташкил этиш (босқичларини, муддатларини, асосий йўналишларни аниқлаш).</p>	<p>2018 йил декабрь 2018 йил 30 декабрь 2019 йил январь Тасдиқланган муддатларга мувофиқ</p>	<p>Инвестициялар бўйича давлат қўмитаси, “Инвестициялар эксперт маркази” УҚ, Автомобиль йўллари давлат қўмитаси, Ташқи ишлар вазирлиги, Иқтисодиёт вазирлиги, Молия вазирлиги</p>
2	<p>Автомобиль йўллари лойиҳалаш, қуриш ва сақлаш соҳасида халқаро стандартларни ва энг яхши амалиётларни қўллаш.</p>	<p>Самарасиз ва эскирган механизмлар ва меъёрларни бекор қилишни кўзда тутган ҳолда автомобиль йўллари лойиҳалаш, қуриш ва сақлаш бўйича меъёрий ҳужжатларни хатловдан</p>	<p>2018 йил декабрь</p>	<p>Қурилиш вазирлиги, Инновацион ривожланиш вазирлиги,</p>

№	Тадбирлар	Амалга ошириш механизми	Бажариш муддатлари	Масъул ижрочилар
		<p>Ўтказиш.</p> <p>Автомобиль йўллари лойиҳалаш, қуриш ва сақлаш соҳасидаги меъёрий ва техник ҳужжатларни тасдиқлаш бўйича Ҳукумат қарори лойиҳасини Вазирлар Маҳкамасига киритиш.</p>	<p>2019 йил февраль</p>	<p>Автомобиль йўллари давлат қўмитаси, “Ўзстандарт” агентлиги</p>
3	<p>Ўзбекистон Республикасида йўл қурилиши соҳасида давлат бошқаруви тизимини такомиллаштириш.</p>	<p>Йўл қурилиши соҳасида давлат бошқаруви тизимини такомиллаштириш бўйича режалар дастурини ишлаб чиқиш.</p>	<p>2019 йил I ярим йиллик</p>	<p>Вазирлар Маҳкамаси, Автомобиль йўллари давлат қўмитаси, Иқтисодиёт вазирлиги, Адлия вазирлиги</p>
4	<p>Ўзбекистон Республикасининг Халқаро муҳандислар-консультантлар федерациясига (FIDIC) кириши бўйича таклиф киритиш.</p>	<p>Ўзбекистон Республикасининг FIDICга кириши таклифи юзасидан ёзма ахборотнома киритиш.</p> <p>Музокаралар ўтказиш ва Ўзбекистон Республикасининг FIDICга кириши шартларини келишиш.</p>	<p>2019 йил I чорак</p> <p>2019 йил давомида</p>	<p>Қурилиш вазирлиги, Ташқи ишлар вазирлиги</p>
5	<p>Автомобиль йўллари давлат қўмитасининг пудрат ташкилотлари базасида Германиялик чет эл ҳамкорлар билан биргаликда автомобиль йўллари ва сунъий иншоотларни қуриш ва таъмирлаш бўйича ҳудудий филиалларига эга корхона тузиш.</p>	<p>Автомобиль йўллари ва сунъий иншоотларни қуриш ва таъмирлаш бўйича ҳудудий филиалларига эга корхона тузиш юзасидан чет эл компаниялари билан битим тузиш.</p>	<p>2019-2020 йиллар</p>	<p>Автомобиль йўллари давлат қўмитаси, Инвестициялар бўйича давлат қўмитаси, Давлат рақобат қўмитаси, Ташқи ишлар вазирлиги</p>
6	<p>Автомобиль йўллари ва сунъий иншоотларни қуриш ва таъмирлашга ихтисослашган илғор чет эл</p>	<p>Автомобиль йўллари давлат қўмитаси пудрат ташкилотларидаги</p>	<p>2018 йил декабрь</p>	<p>Вазирлар Маҳкамаси,</p>

№	Тадбирлар	Амалга ошириш механизми	Бажариш муддатлари	Масъул ижрочилар
	компанияларига Автомобиль йўллари давлат кўмитаси пудрат ташкилотларидаги давлат (хўжалик) улушини қисман ёки тўлиқ сотиш бўйича таклиф киритиш.	давлат (хўжалик) улушини қисман ёки тўлиқ сотиш бўйича таклиф тайёрлаш.		Автомобиль йўллари давлат кўмитаси, Инвестициялар бўйича давлат кўмитаси, Давлат рақобат кўмитаси
7	Автомобиль йўлларини қуриш, реконструкция қилиш ва мукамал таъмирлашда иштирок этиш учун кўпроқ Германиядан етакчи пудрат ташкилотларини жалб этиш.	Автомобиль йўлларини қуриш, реконструкция қилиш ва мукамал таъмирлашда етакчи ҳамкорлик ташкилотларида иштирок этиш.	доимий	Инвестициялар бўйича давлат кўмитаси, Қурилиш вазирлиги, Автомобиль йўллари давлат кўмитаси
II. Йўл қурилишини молиялаштириш самарадорлигини ошириш, халқаро молия ташкилотлари ва чет эл банк муассасаларининг имтиёзли кредит маблағларини жалб этиш ҳажмини ошириш, автомобиль йўлларини қуриш ва улардан фойдаланишда хусусий сектор иштирокини рағбатлантириш				
8	Лойиҳа-смета ҳужжатларини ишлаб чиқиш, йўл хўжалиги соҳасида қурилиш-монтаж ишларини бажариш ҳамда уларни иш ҳажми ва сифатига мувофиқ («ҳажм методи») қабул қилиш тартибни жорий қилиш.	Лойиҳа-смета ҳужжатларини ишлаб чиқиш, йўл хўжалиги соҳасида қурилиш-монтаж ишларини бажариш ҳамда уларни иш ҳажми ва сифатига мувофиқ («ҳажм методи») қабул қилиш тартиби бўйича Низомни тасдиқлаш юзасидан Ҳукумат қарори лойиҳаси. Шаҳарсозлик қурилиш меъёрлари ва қоидаларини қурилиш-монтаж ишларининг ҳажми ва сифати асосида	2019 йил январь 2019 йил февраль	Қурилиш вазирлиги, Автомобиль йўллари давлат кўмитаси, вазирлик ва идоралар Қурилиш вазирлиги, Автомобиль

№	Тадбирлар	Амалга ошириш механизми	Бажариш муддатлари	Масъул ижрочилар
		<p>бажариш ва қабул қилиш методини йўл хўжалиги соҳасига жорий этишни ҳисобга олган ҳолда қайта кўриб чиқиш ва тасдиқлаш.</p>		<p>йўллари давлат кўмитаси, вазирлик ва идоралар</p>
9	<p>Қуйидагиларни жалб қилиш бўйича масалаларни Ўзбекистон Республикаси Президентининг Германия Федератив Республикасига расмий ташрифи доирасида имзолаш учун тайёрлаш: немис молия ташкилотлари ва банклари, шунингдек, халқаро молия ташкилотлари кредит ресурсларини имтиёзли шартларда; автомобиль йўлларини лойиҳалаш, қуриш ва сақлаш, замонавий инновацион технологияларни жорий этиш соҳасида техник ёрдам ва консултатив хизматлар кўрсатиш учун Германиянинг етакчи компанияларини; йўл хўжалиги учун замонавий қурилиш материаллари ва махсус йўл-қурилиш техникасини ишлаб чиқувчи қўшма корхона ташкил этиш учун етакчи ишлаб чиқувчиларни; йўл хўжалиги тармоғи учун кадрлар тайёрлаш, қайта тайёрлаш ва малакасини ошириш соҳасида кенг миқёсда ҳамкорликни йўлга қўйиш учун Германиянинг таълим муассасаларини, шу билан бирга етакчи компания – ҳамкорлар базасида стажировка программаларини.</p>	<p>Ҳамкорлик дастурлари, меморандумлар, шартномалар, кредит битимлари лойиҳалари.</p>	<p>Жадвалга мувофиқ</p>	<p>Инвестициялар бўйича давлат кўмитаси, Ташқи ишлар вазирлиги, Молия вазирлиги, Автомобиль йўллари давлат кўмитаси</p>
10	<p>Ривожлантириш стратегиясини амалга ошириш доирасида автомобиль йўлларини қуриш, реконструкция ва таъмирлаш лойиҳаларини амалга ошириш, йўллардан фойдаланиш корхоналарини замонавий техникалар билан таъминлаш, йўл</p>	<p>Кредит битимларини тузиш.</p>	<p>2019 йил январь-февраль</p>	<p>Инвестициялар бўйича давлат кўмитаси, Молия вазирлиги, Автомобиль</p>

№	Тадбирлар	Амалга ошириш механизми	Бажариш муддатлари	Масъул ижрочилар
	қурилиши соҳасида немис компаниялари билан қўшма корхоналар тузиш учун немис банкларининг кредит ресурсларини имтиёзли шартларда жалб қилиш.			йўллари давлат қўмитаси, Ташқи ишлар вазирлиги, тижорат банклари
11	Умумий фойдаланиладиган ва ҳудудий автомобиль йўллари устувор равишда немис шериклари билан лойиҳалаш, қуриш, реконструкция қилиш, мукамал таъмирлаш ва сақлаш соҳасида давлат-хусусий шериклик принципларини жорий қилиш.	Автомобиль йўллари лойиҳалаш, қуриш, реконструкция қилиш, мукамал таъмирлаш ва сақлаш соҳасига давлат-хусусий шериклик принципларини жорий этиш бўйича комплекс чоратадбирларни ишлаб чиқиш.	2019 йил февраль-март	Инвестициялар бўйича давлат қўмитаси, Автомобиль йўллари давлат қўмитаси, Қурилиш вазирлиги, Молия вазирлиги, Давлат рақобат қўмитаси
III. Автомобиль йўлларида фойдаланиш бўйича ишлар сифатини ошириш				
12	Йўллардан фойдаланиш ташкилотларини замонавий йўл-қурилиш техникалари ва таъмирлаш ускуналари билан таъминлаш.	Автомобиль йўллари давлат қўмитасининг ташкилотлари ва ҳудудий ободонлаштириш бошқармаларининг йўл-қурилиш техникалари ва таъмирлаш ускуналарига эҳтиёжини аниқлаш. Йўл-қурилиш техникалари ва таъмирлаш ускуналарининг етакчи ишлаб чиқарувчилари билан музокаралар олиб бориш, шунингдек, немис молия ташкилотлари ва банкларининг узоқ муддатли имтиёзли мақсадли маблағларини жалб қилиш	2018 йил декабрь 2019 йил январь-февраль	Автомобиль йўллари давлат қўмитаси, Инвестициялар бўйича давлат қўмитаси

№	Тадбирлар	Амалга ошириш механизми	Бажариш муддатлари	Масъул ижрочилар
		<p>ҳамда сервис марказларини ташкил этиш.</p> <p>Шартномалар тузиш ва замонавий йўл-қурилиш техникалари ва ускуналарини етказиш.</p>	2019-2020 йиллар	
13	<p>Харид қилинаётган замонавий йўл-қурилиш техникаларига ва таъмирлаш ускуналарига техник хизмат кўрсатиш учун сервис марказларини ташкил этиш.</p>	<p>Йўл-қурилиш техникалари ва таъмирлаш ускуналарини ишлаб чиқарувчи корхоналар билан сервис марказларини ташкил этиш бўйича Битимлар тузиш.</p>	2019 йил мобайнида	<p>Автомобиль йўллари давлат кўмитаси</p>
14	<p>Автомобиль йўлларида фойдаланиш муддатларини узайтириш учун автомобиль йўлларини сақлаш ва улардан фойдаланиш соҳасига инновацион технологияларни татбиқ этиш.</p>	<p>Замонавий инновацион технологияларни ишлаб чиқиш ва жорий этиш.</p>	2019 йил мобайнида	<p>Инновацион ривожланиш вазирлиги, Қурилиш вазирлиги, Автомобиль йўллари давлат кўмитаси</p>
15	<p>Автомобиль йўли ўқининг майдонларида вазн ўлчовчи стационар назорат постларини жойлаштириш, уларни автотранспорт воситаларининг габарит параметрлари ва оғирликларини ўлчаш учун ускуналар билан таъминлаш ҳамда махсус автомобилларда кўчма вазн ўлчов назорат постини ташкил этиш.</p>	<p>Республика ичида катта габаритли мослама пунктларининг ва жойлари дислокациясини аниқлаш бўйича ишчи гуруҳни ташкил этиш.</p> <p>Жойига чиққан ҳолда автомобиль йўллари ва вазн стационар ўлчов назорат постларини жойлаштиришни аниқлаш.</p>	<p>2018 йил декабрь</p> <p>2019 йил январь-март</p>	<p>Автомобиль йўллари давлат кўмитаси, ИИВ, Давлат божхона кўмитаси, Ўзбекистон автомобиль транспорти агентлиги, Қорақалпоғистон Республикаси Вазирлар Кенгаши, вилоятлар ва</p>

№	Тадбирлар	Амалга ошириш механизми	Бажариш муддатлари	Масъул ижрочилар
		<p>Вазн ўлчов стационар постларининг дислокация жойларини аниқлаган ҳолда, махсус автомобилларда кўчма вазн ўлчов назорат постини ҳисобга олиб, молиялаштириш манбаларини аниқлаш.</p> <p>Мобиль ва стационар вазн ўлчов постларини мосламалар билан жиҳозлаш учун етказиб берувчиларни аниқлаш.</p> <p>Вазн ўлчовчи стационар назорат постларини транспорт воситаларининг габарит параметрлари ва оғирликларини ўлчаши учун ускуналар билан таъминлаш ҳамда махсус автомобилларда кўчма вазн ўлчов назорат постини ташкил этиш.</p>	<p>2019 йил апрель</p> <p>2019 йил май</p> <p>2019-2020 йиллар</p>	<p>Тошкент шаҳар ҳокимликлари</p> <p>Инвестициялар бўйича давлат кўмитаси, Автомобиль йўллари давлат кўмитаси, Молия вазирлиги,</p> <p>Автомобиль йўллари давлат кўмитаси, ИИБ, Давлат божхона кўмитаси</p> <p>Автомобиль йўллари давлат кўмитаси, ИИБ, Давлат божхона кўмитаси, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари</p>
16	<p>Республикада йўл-транспорт инфратузилмасининг мақсадли параметрларини аниқлашда логистика самарадорлиги индекси</p>	<p>Логистика самарадорлигининг индекс методологиясига мувофиқ республиканинг транспорт логистика</p>	<p>2019 йил I чорак</p>	<p>Инновацион ривожланиш вазирлиги,</p>

№	Тадбирлар	Амалга ошириш механизми	Бажариш муддатлари	Масъул ижрочилар
	методологиясига мувофиқ (Logistic performance Index) республиканинг транспорт логистика комплекси ҳолатини баҳолаш тизимини татбиқ этиш.	комплекси ҳолатини баҳолаш тизимини жорий этиш бўйича чора-тадбирлар режаси.		Иқтисодиёт вазирлиги, Автомобиль йўллари давлат қўмитаси, Инвестициялар бўйича давлат қўмитаси, Ўзбекистон автомобиль транспорти агентлиги
IV. Йўл хўжалиги учун замонавий қурилиш материалларини ва махсус йўл қурилиши техникаларини ишлаб чиқаришни ташкил этиш				
17	Йўл хўжалиги учун замонавий қурилиш материаллари ва махсус йўл-қурилиш техникаларини ишлаб чиқариш, ушбу техникаларнинг сервис марказларини мамлакатимиз ҳудудларида очиш бўйича етакчи чет эл компаниялари иштирокида қўшма корхоналар ташкил этиш.	Йўл хўжалиги учун замонавий қурилиш материаллари ва махсус йўл-қурилиш техникаларини ишлаб чиқарувчи илғор чет эл ишлаб чиқарувчиларини асосан Германиядан дастлабки танлаб олишни амалга ошириш. Ишлаб чиқаришни маҳаллийлаштириш бўйича Ўзбекистонда қўшма корхоналар ташкил этиш юзасидан музокаралар олиб бориш.	2019 йил март 2019 йил мобайнида	Инвестициялар бўйича давлат қўмитаси, Ташқи савдо вазирлиги, Ташқи ишлар вазирлиги, Савдо-саноат палатаси, Автомобиль йўллари давлат қўмитаси, “Ўзқурилиш-материаллари” АЖ
18	Автомобиль йўлларини ва сунъий иншоотларни лойиҳалаш соҳасида етакчи немис компаниялари орасидан хорижий инжиниринг компаниялар	Автомобиль йўлларини ва сунъий иншоотларни лойиҳалаш соҳасида ҳамкорлик.	2019 йил I чорак	Автомобиль йўллари давлат қўмитаси,

№	Тадбирлар	Амалга ошириш механизми	Бажариш муддатлари	Масъул ижрочилар
	(“ <i>OBERMEYER Planen+Beraten GmbH</i> ”, “ <i>Lahmeyer International GmbH</i> ”, “ <i>Lomb Ingenieurgesellschaft mbH</i> ”, “ <i>INROS LACKNER SE</i> ” ва бошқалар) билан ҳамкорликни йўлга қуйиш.			Инвестициялар бўйича давлат кўмитаси, Ташқи ишлар вазирлиги
19	Асфальтбетон қоришмаларини ишлаб чиқариш бўйича “ <i>GP Günter Papenburg AG</i> ” Германия компанияси билан қўшма корхона ташкил этиш.	Асфальтбетон қоришмаларини ишлаб чиқариш қувватларини ишга тушириш ва қурилишни амалга ошириш.	2019 йил август	Автомобиль йўллари давлат кўмитаси, Инвестициялар бўйича давлат кўмитаси, Ташқи ишлар вазирлиги
20	Германиянинг илғор компаниялари билан қўшма корхоналар ташкил этиш: “Ўзйўллойиха” ДУК корхонаси базасида автомобиль йўлларини ва сунъий иншоотларни лойиҳалаш бўйича; мустақил йўл-тажриба лабораториялари ва ишлаб чиқариш полигонлари.	Замонавий немис технологиялари бўйича автомобиль йўлларини ва сунъий иншоотларни лойиҳалаш соҳасида йўл-тажриба лабораториялари ва полигонларини ташкил этиш бўйича чет эл компаниялари билан қўшма корхоналарни ташкил этиш юзасидан битимлар имзолаш.	2019 йил мобайнида	Автомобиль йўллари давлат кўмитаси, Инвестициялар бўйича давлат кўмитаси, Ташқи ишлар вазирлиги
V. Йўл хўжалиги соҳасида малакали кадрларни тайёрлаш				
21	Йўл хўжалиги соҳаси учун кадрларни тайёрлаш, қайта тайёрлаш ва малакасини ошириш тизимини, шу жумладан чет эл ихтисослашган таълим муассасалари ва марказлари билан ҳамкорликда тубдан такомиллаштириш.	Йўл хўжалиги соҳаси учун кадрларни тайёрлаш, қайта тайёрлаш ва малакасини ошириш тизимини тубдан такомиллаштириш бўйича комплекс чора-тадбирларни ишлаб чиқиш.	2019 йил I ярим йиллик	Автомобиль йўллари давлат кўмитаси, Олий ва ўрта махсус таълим вазирлиги
22	Тошкент автомобиль йўлларини лойиҳалаш, қуриш ва эксплуатацияси институти қошида Автомобиль йўлларини қуриш ва таъмирлаш	Автомобиль йўлларини қуриш ва таъмирлаш соҳасидаги мутахассисларнинг малакасини	2019 йил I ярим йиллик	Автомобиль йўллари давлат кўмитаси,

№	Тадбирлар	Амалга ошириш механизми	Бажариш муддатлари	Масъул ижрочилар
	соҳасидаги мутахассисларнинг малакасини ошириш ва қайта тайёрлаш марказини ташкил қилган ҳолда етакчи хорижий таълим муассасалари ва компаниялари – ҳамкорлар билан биргаликда ўқитувчилар, талабалар ва мутахассислар билан алмашиш ва стажировкадан ўтказишни йўлга қўйиш.	ошириш ва қайта тайёрлаш бўйича Марказ ташкил этиш юзасидан Вазирлар Маҳкамасининг қарори лойиҳаси.		Олий ва ўрта махсус таълим вазирлиги, Ташқи ишлар вазирлиги
23	Манфаатдор вазирлик ва идораларнинг ваколатли вакиллари йўл қурилиши бўйича Германияда ўтказиладиган халқаро кўргазмалар, ярмаркалар, конференциялар ва симпозиумларда иштирок этиш.	Йўл қурилиши бўйича ўтказиладиган халқаро кўргазмалар, ярмаркалар, конференциялар ва симпозиумларда манфаатдор вазирлик ва идоралар вакиллари иштирок этиши юзасидан Вазирлар Маҳкамасига таклифлар киритиш.	2019 йил январь	Ташқи ишлар вазирлиги, Қурилиш вазирлиги, Автомобиль йўллари давлат қўмитаси
24	Чет эл ўқув муассасаларида йўл соҳасидаги мутахассисларни тайёрлаш, қайта тайёрлаш ва малакасини ошириш бўйича ўқув курсларини ташкил этиш.	Комплекс чора-тадбирлар ва ўқув курсларини ўтказиш графиклари.	доимий	Автомобиль йўллари давлат қўмитаси, Савдо-саноат палатаси, Олий ва ўрта махсус таълим вазирлиги, Ташқи ишлар вазирлиги
25	Йўл соҳасидаги мутахассисларнинг Германия Федератив Республикаси етакчи йўл-қурилиш компанияларида стажировкадан ўтишини ташкил қилиш.	Комплекс чора-тадбирлар ва стажировкадан ўтиш графиклари.	доимий	Автомобиль йўллари давлат қўмитаси, Савдо-саноат палатаси, Ташқи ишлар вазирлиги

